

Na osnovu člana 32. Zakona o javnim nabavkama Bosne i Hercegovine ("Službeni glasnik BiH", broj: 39/14), a nakon provedenog Postupka po konkurentskom zahtjevu za javnu nabavku roba – **HEMIKALIJE za LOT 1 -Organske i anorganske hemikalije** za potrebe Prirodno-matematičkog fakulteta Univerziteta u Sarajevu, objavljenog na Portalu javnih nabavki, broj: 654-7-1-200-3-10/20, dana 03.09.2020. godine i Odluke o izboru najpovoljnijeg ponuđača, broj: 01/01-1833/12-2020 od 12.10.2020. godine u Sarajevu, **dana 05.11.2020. godine** zaključen je

OKVIRNI SPORAZUM O SUKCESIVNOJ ISPORUCI ROBA

između

PRIRODNO-MATEMATIČKI FAKULTET Univerziteta u Sarajevu, ulica Zmaja od Bosne 33-35, kojeg zastupa prof. dr. Nusret Drešković, dekan Fakulteta (u daljem tekstu: **Naručilac**),

i

SEMIKEM d.o.o Sarajevo, ID Broj: 4200003250001, Omladinska 44, 71320 Vogošća, kojeg zastupa **Galib Kobilica**, direktor (u daljem tekstu: **Isporučilac**)

Član 1.

Na osnovu provedenog postupka javne nabavke putem postupka po konkurentskom zahtjevu, zaključuje se okvirni sporazum sa jednim ponuđačem za nabavku **HEMIKALIJA za LOT 1- Organske i anorganske hemikalije**. Okvirni sporazum primjenjuje se za pojedinačnu i sukcesivnu isporuku roba.

Okvirni sporazum se zaključuje na period od godinu dana, a počinje teći od dana kada su obje ugovorne strane potpisale ovaj sporazum i traje jednu godinu ili dok se ne utroše finansijska sredstva po ovom okvirnom sporazumu.

Ovaj Okvirni sporazum ne predstavlja obavezu Naručioca za nabavku roba od Dobavljača. Obaveza nastaje tek kada se zaključi ugovor o javnoj nabavci ili se ispostavi narudžbenica od strane naručioca, u skladu sa uslovima iz tenderske dokumentacije i važećim propisima.

Član 2.

Maksimalna finansijska vrijednost ovog okvirnog sporazuma je **11.986,00** bez (PDV-a). Tokom trajanja okvirnog sporazuma, prihvaćene cijene iz ponude Isporučioca su nepromjenjive.

Dobavljač nakon zaključenja pojedinačnog ugovora, obavezan je da naručenu robu isporuči sukcesivno u skladu sa ponudom, broj: 124/20 nakon E-aukcije od 25.09.2020. godine, u roku od 30 dana od prijema narudžbe na adresu Naručioca. Ukupni troškovi isporuke padaju na teret Dobavljača.

Naručilac je obavezan da za uredno isporučenu robu izvrši plaćanje u roku od 30 dana od uredno ispostavljene fakture/računa.

Član 3.

Na osnovu ovog Okvirnog sporazuma ugovorne strane za prvu nabavku roba zaključiti će Ugovor o međusobnim pravima i obavezama radi realizacije Okvirnog sporazuma do iznosa definisanih članom 2. ovog Okvirnog sporazuma.

Tokom preostalog ugovornog perioda pod pisanim oblikom ugovora smatrat će se i ispostavljena narudžbenica od strane naručioca iz oblasti za koje je proveden postupak po konkurentskom zahtjevu.

Član 4.

Isporučioc se obavezuje da će robu koja je predmet ovog Okvirnog sporazuma isporučivati Naručiocu u skladu sa:

- pojedinačnim ugovorima ili izdatoj narudžbenici od strane Ugovornog organa (izdata po specifikaciji iz Ponude broj: 124/20 nakon E-aukcije od 25.09.2020. godine) koja se može smatrati pojedinačnim ugovorom
- uslovima iz tenderske dokumentacije i
- uslovima iz prihvaćene ponude.

Član 5.

Ovaj Okvirni sporazum ugovorne strane mogu raskinuti pisanim putem, na način da strana koja traži raskid ugovora ovog okvirnog sporazuma upućuje pisanu obavijest drugoj ugovornoj strani, i to u slučaju povrede odredbi ovog okvirnog sporazuma, ako druga strana nije takvu povredu ispravila čak ni u ostavljenom primjerenom roku, koji ne može biti kraći od pet dana. Naručilac može raskinuti ovaj okvirni sporazum u slučaju:

- da Dobavljač kojem je ponuđeno zaključivanje pojedinačnog ugovora ne potpiše pojedinačni ugovor,
- da iz bilo kog razloga ugovorne strane raskinu pojedinači ugovor,
- da druga ugovorna strana ne poštuje odredbe ovog okvirnog sporazuma.

Član 6.

Za sve što nije regulisano ovim Okvirnim sporazumom ili pojedinačnim ugovorom sklopljenim na osnovu ovog Okvirnog sporazuma primjenjivat će se odgovarajuće odredbe važećeg Zakona o obligacionim odnosima, kao i ostali propisi koji regulišu predmetnu materiju.

Član 7.

Odredbe ovog Okvirnog sporazuma ne mogu se mijenjati nakon njegovog zaključenja. Sastavni dio ovog Sporazuma je specifikacija robe i ponuda broj: 124/20 nakon E-aukcije od 25.09.2020. godine.

Član 8.

Sve eventualne nesporazume ugovorne strane će rješavati sporazumno, a ako u tome ne uspiju eventualne sporove rješavat će nadležni Sud u Sarajevu. Isporučilac nema pravo zapošljavati, u svrhu izvršenja ovog okvirnog sporazuma, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje šest mjeseci po zaključenju ugovora, odnosno od početka realizacije ugovora.

Član 9.

Okvirni sporazum sačinjen je u četiri (4) istovjetna primjerka od kojih svaka ugovorna strana zadržava po dva (2) primjerka.

Član 10.

Ovaj Sporazum stupa na snagu od momenta kada ga potpišu obje ugovorne strane.

ZA NARUČIOCA:

71
**Prirodno-matematički fakultet
Univerziteta u Sarajevu**

Prof.dr Nusret Drešković, dekan

Broj: 01/01-1833/16-2020
Sarajevo, 05.11.2020. godine

ZA ISPORUČIOCA

Galib
Galib Kobilica, direktor

Broj: 223/20
Sarajevo, 06.11.2020 godine.